

Vuk'uzenzele

Produced by: Government Communication & Information System (GCIS)

English / Setswana

July 2020 Edition



Mom with comorbidity beats COVID-19

Page 5



JOBS INSIDE:

Men must stop abuse



President Cyril Ramaphosa has read the riot act to abusive South African men, who harm women and children, saying the brutal attacks must come to an end.

Gender-based violence (GBV) has increased in the country amid the coronavirus (COVID-19) pandemic, which is affecting large parts of the world. This, the President said, means the country is waging a war on two pandemics.

Addressing South Africans recently, President Ramaphosa expressed deep-felt regret at the recent wave of fatal attacks on women of all ages.

"As a man, as a husband and as a father, I am appalled at what is no less than a war being waged against the women and children of our country. At a time when the pandemic has left us all feeling vulnerable and uncertain, violence is being unleashed on women and children with a brutality that defies comprehension."

"These rapists and killers walk among us. They are in our communities."

The perpetrators, the President said, are fathers, brothers, sons and friends. "[These are] violent men with utterly no regard for the sanctity of human life."

21 women and children murdered

Over the past few weeks, 21 women and children have been murdered.

"Their killers thought they could silence them but we will not forget them, and we will speak for them where they cannot," the President said, calling the victims by name.

They include Tshegofatso Pule, Naledi Phangindawo, Nompumelelo Tshaka, Nomfazi Gabada, Nwabisa Mgwandela, Altecia Kortjie and Lindelwa Peni - all young women who were killed by men.

"We will speak for the 89-year-old grandmother, who was

• Cont page 2

CONTACT US



Vuk'uzenzele



@VukuzenzeleNews

Website: www.gcis.gov.za

Email: vukuzenzele@gcis.gov.za

www.vukuzenzele.gov.za

Tel: (+27) 12 473 0353

Tshedimosetso House:

1035 cnr Frances Baard and Festival streets, Hatfield, Pretoria, 00083



To read Vuk'uzenzele download the GOVAPP on:



Search for SA Government on Google playstore or appstore

FREE COPY NOT FOR SALE



"JAANONG KE NAKO YA GORE RE DIRE MMOGO,
GO TLOTIA NELSON MANDELA, GO AGA AFORIKA
BORWA E NTŠHWA, E E BOTOKA YA BOTLHE."

MOPORESITENTE CYRIL RAMAPHOSA

#SendMe

RE GO AGELA BOKAMOSO JO BO BOTOKA
RE ITHUTA GO TSWA MO DITIRONG TSA GA MADIBA



Bašwa ba naga ya Aforika Borwa ke bona moodi wa thotloetso le tsholofelo

Mafo a ga Frantz Fanon a gore 'ko-koma nngwe le nngwe e tshwanetse go ipatela seo maitlhomo a yona a leng ka ga sona' ke mafoko a a ntlelang gangwe le gape fa ke neelwa tšhono ya go buisana le bašwa ba naga ya Aforika Borwa.

Go sa kgathalesege gore ba nna kae le gore ba dira eng, se se mo pelong tsa bona ke go fetola lefatshe.

Le fa e le boammaruri gore ba batla go fetola matshelo a bona, ba batla gape le gore ba age setšhaba se se botoka le lefatshe le le botoka. Ba ipona e le baronngwa ba ba ka tlisang phetogo e e botlhokwa thata.

Go tswa kgale kwa loe bašwa ba ntse e le bona ba ba lwelang phetogo. Mo dingwagasmeng di le mmalwa tse di fetileng, bašwa ba ne ba thankgolola matsholo a kgaratlho kgatlanong le botlhoka bosiamisi jo bo neng bo le teng, re simolola fela ka go melela puso meno ga baithuti ka ngwaga wa 1968 kwa Paris, go leba kwa mogwantong o o kgatlanong le ntwa kwa nageng ya Amerika mo dingwageng tsa bo 1960, go ya kwa ditragalang tse di neng di ema kgatlanong le dipuso tsa bokoloniale mo dinageng di le dintsia tsa Aforika le tsa Asian, go akaretsa gape le ntwa kgatlanong le puso ya tlhaolele, mmogo le megwanto ya go ema kgatlanong le mebuso ya maArab.

Go sa le sešweng jaana, bašwa ba ntse ba goga kwa pele mogwantong wa #BlackLivesMatter o ga jaanong o tshegediwang lefatshe ka bophara go latela go bolawa ga George Floyd kwa nageng ya Amerika.

Mo dibekeng di le mmalwanyana fela tse di fetileng, balwakgaratlho go ralala le lefatshe ka bophara ba ntse ba lwela gore matshwao otlhe a a babatsang

ditragalo tse di setlhogo le tse di renang tirisodikgoka mo go rekisiweng ga makgoba le mo dipusong tsa bokoloniale a thubakakiwe.

Kwa Yunibesiting ya Oxford go runtse megwanto mo malobeng moo batsholeditseng melaetsa e e neng e re 'Rhodes must Fall', e leng go supa tsheetso mo go seo se neng se lwelwa ke baithuti ka fa nageng ya rona mo dingwageng di le tlhano tse di fetileng.

Bašwa go ralala le lefatshe ka bophara ba kopanngwa ke mogopoloo o o tshwanang. Ba ruthaganya difikantswe le matshwao a mangwe otlhe a a ka ga ditragalo tsa go nyefola merafe e mengwe, ba batla gore kharikhulamo mo ditheong tsa thuto e rutlomololwe gore e se nne ya bokoloniale jaaka e ntse, e bile ba batla gore ditheotse di leng teng di rutlumolole dikgato tsa tlhaolele tse di leng teng mo ditheong mmogo le tsa go tlodisa batho ba bangwe matlho.

Ka jalo, jaaka re tla bo re tlotla bašwa ba 1976 ka letsatsi la bo 16 Seetebosigo 2020, re batla gape le go supa tlotlo mo go bašwa ba ba tlileng morago ga puso ya tlhaolele mo nageng ya Aforika Borwa, e leng bona bajalefa ba ba matshwanedi ba lefa leno la tlotlo.

Maitlhommagolo a bašwa bano ba 1976 e ne e le go rutlumolola thuto ya bathobantsho; mme a bašwa ba gompieno ke go tsweletsa porojeke ya tshwaranelo le poelano ya naga.

Mo dinakong tse di tlang e tla re fa go buiwa ka monongwaga, ngwaga wa 2020, ga 'twe ke ngwaga o o rebotseng dikgato tse dintshwa mo hisetoring ya batho.

Ga se fela seabe se segolo se mogare wa corona o nnileng le sona mo matshelong a batho le ka fao ba itschedisang ka gone, o kgotlhokgoditse gape le ka fao

lefatshe le neng le dira dilo ka gone.

Tsela eo leroborobo leno le dirileng dilo ka gone ke segakolodi sa ka fao batho mo lefatsheng ba golaganeng ka teng le tlhokotekatekano e e tse-neletseng eo e leng teng gareng ga dinaga le gareng ga batho ka fa nageng e le esi.

Leroborobo leno le re naya tšhono ya go rulaganya sešwa lefatshe le le senang dinaga tse di batlang go huma di le esi go gaisa tse dingwe, le go senang go inaganelo o le esi e bile go sena go ipona o le motho o le esi gareng ga batho ba bangwe, e seng fela mo bathong ka esi fela le mo ditshabeng tsotlhe.

Bašwa ba re bolelela gore metheo ya botlhokwa ya go nna le botho, kutlwelobotlhoko le go nna ngatana e le nngwe e tshwanetse go nna selo se se botlhokwa thata mo setshabeng se sentshwa se se tla supologang, le gore ba na le maike misetso a go etelela pele lefatshe le lentshwa le le botoka.

Mo dipuisanong tse ke ditshwereng le bašwa ke ba boleletse gore ba se tsee botlhoko maatla a dikakanyo di nang le ona, ka ntlha ya gore ke dikakanyo tse di ka fetolang lefatshe e bile ke dikakanyo tse di fetotseng lefatshe. Ke dikakanyo tse di fetlhileng kgatelopele ya motho e bile ke tsona tse di tla re kgontshang gore re simolole tsela e ntshwa fa re sena go tsena mo pakeng e ntshwa ya morago ga paka ya mogare wa corona.

Bašwa bano ba fetotse megopoloo ya bona go kaela dikgato tse ba di tsayang. Ga ba a ke ba letlelela go tlhoka didirisiwa go ba ema ka fa pele. Ba ipuletsi ditshono mo makaleng a le mantsinyana go tloga mo go a dithekenoloji tsa maemo a a kwa godimo go tsenyeletsa le a tshomarello ya tikologo.

Ke mo nakong eno go feta mo

malobeng mo re solo felang go le gontsi mo bašweng ba naga eno go tla ka ditharabololo tse di tla ba unngwelang mmogo le go unngwela metse e ba tswang kwa go yona mabapi le kgwetlho ya botlhokatiro.

Mme go ntse go le jalo, ke gwtelha bašwa ba naga eno go tla ka manaane a a tla re kgontshang go fithelela dipeelo tsa rona tsa tlhabololo.

Ka ngwaga wa 1961, Cuba e ne ya romela baromiwa ba yona ba bašwa ba baithuti bao ba ithaopileng go ya kwa dithabeng le kwa metseng ya kwa magaeng go ya go thusa go aga dikolo, go ruta go buisa le go kwala le go katisa barutabana ba bantshwa.

Letsholo la bona la go buisa le go kwala le santse le tsewa jaaka la a mangwe a a atlegileng thata mo hisetoring ya segompieno.

Bašwa ba rona ba tshwanetse go ithuta matsholo a go ithuta go itirela dilo ka bobona le go etelela kwa pele matsholo aro.

Fela jaaka ba ne ba ema ba kgaratlhela go tlhoka tekatekano mo ditheong tse dikgolwane, matlhagatlha a bašwa ba rona a tshwanetse go dirisiwa go lwela tekatekano mo ditirelong tsa tlhokomelo ya boitekanelo, go refosana maemo a beng ba lefatshe mmogo le se se botlhokwa go gaisa, go lwela bosiamisi mo bathong ba bong jo bo farologaneng.

Fela jaaka maAforika Borwa a mangwe otlhe, le nna ke yo mongwe wa batho ba ba gagamaditsweng ke dipolao tse dintsia tsa makgarebe a a bolawang ke batho ba borre. Tseno ke ditiro tse di gagamatsang mo go maswe tse di senang botho e bile ka fa nageng ya rona ga go foo re di bayang.

Matsholo a kgaratlho ya baagi a a eteletsweng pele ke bašwa, matsholo a temososetshaba le a go thobiwa maikutlo ke bankane ba gago a botlhokwa mo go maswe mo go fediseng

tirisodikgoka e e totileng batho ba bong jo bo rileng (GBV) mo baaging ba rona. Go santse go le jalo, re tshwanetse go gagamatsa thulaganyo ya naga ya rona ya bosiamisi, re netefatse gore ditlhokotsebe tseno di a golegwa, dikgato tsa kgonagalo ya gore ditlhokotsebe tseno di ntshiwe mo kgolegelong ka beili kgotsa ka parola di a gagamadiwa le go netefatsa gore batho bao ba atlholewang botshelo jwa bone jotlhe kwa kgolegelong ba golegwa koo matshelo a bona otlhe.

Le fa kgato eno e tlhoka setshaba sotlhe go nna le seabe, ke ikuela bogolosegolo mo ma-kaung a naga eno go samagana le GBV. Fa re sa fenye ntwa eno e basadi ba naga ya Aforika Borwa ba tobaneng le yona, toro ya rona ya go aga setshaba se sentshwa e tla nna e e letobo.

Batho ba ba jaaka nna ba e neng e le karolo ya mogwanto wa baithuti mo nakong ya tlhaolele gantsi ba botsisiwa gore re nagana eng ka bašwa ba mo matsatsing aro. Ka dinako dingwe motho o ikutlwa e kete o ka boela morago 'ko matsatsing a phenyo' fa dipolotiki tsa baithuti le kgaratlho, di neng di dira semaka mo seo se ka se tlholeng re se bone gape.

Fela jaaka bašwa ba mo malobeng ba itshupile seo ba se emetseng, le ba gompieno le bona ba itshupile seo ba se emetseng.

Bašwa ba naga ya Aforika Borwa mo ngwageng wa 2020 ba tlhatlositse maemo go gaisa a ba mo malobeng. Ba na le tsholofelo, ba kakatletse e bile ba na le sebete, e bile mo dinakong ka bontsi ba iphithhela ba tobane le mathata a a seng kana ka sepe.

Ke bona moodi wa thotloetso le tsholofelo. Ka ditiro tsa bona, ba aga lefatshe le le nang le bosiamisi go gaisa, le le nang le tekatekano, le le somaregang e bile le rena ka kagiso.

Mme wa bana yo a nang le malwetse a a iphitlhileng o paletse COVID-19

INSAAF MOHAMMED a re go botlhokwa thata gore maAforika Borwa, bogolosegolo ao a nang le malwetse a a iphitlhileng, a rwale maikarabelo fa go tla mo itekanelong ya maphelo a bona.

Silusapho Nyanda

Batho ba ba nang le malwetse a a iphitlhileng – a jaaka bolwetse jwa go hupelana, bolwetse jwa kgatelelo ya madi a magolo, malwetse a diphio le bolwetse jwa tshukiri – ba ka itemogela matshwao a a bogale a mogare wa corona (COVID-19), mo ba ka feletsang ba thutse botala ka tlhogo ka ntlha ya kgatelelo eo mogare ono o e dirang mo mebeleng ya bona.

Ke ka lesego fa ngaka ya boitseanape jwa dikgobalo le bogolafadi e e nnang kwa Motsekapa e ne e welwa ke leru la go fitlhelwa a na le COVID-19, mme mmemotsadi yono wa bana ba le bararo Insaaf Mohammed, wa dingwaga di le 40, ka a ne a ntse a tshwenngwa ke bolwetse jwa go hupelana, o ne a kcona go laola malwetse ano ka bobedi mme ga a a ke a iphitlhela a gatelegile.

Mohammed o tshwaeditswe ke monna wa gagwe ka COVID-19, yo a dirang kwa laborating ya Sepetlele sa Groote Schuur. Ngwana wa mosimanyana wa Mohammed yo a nangle dingwaga di le supa le ene go ne ga fitlhelwa gore o tshwaetsegile.

Morago ga gore go fitlhelwe ba tshwaetsegile, boraro jono bo ne ba nnela kgakala le batho mme ba itswalela mo ntlong.

"Re ne ra inotlela ka fa kamoreng ya rona, mme mmaatsale wa me – yo le ene a nang le bolwetse jwa tshukiri le

bolwetse jwa kgatelelo ya madi a magolo ka lesego ene o ne a sa tshwae-tswa ke mogare ono – o ne a re tlhokomelela bana ba bangwe ba rona ba le babedi," ga rialo Mohammed.

Go ya ka Lefapha la Boitekanelo la porofense ya Kapa Bophirima, batho ba ba nang le bolwetse jwa kgatelelo ya madi a magolo, bolwetse jwa tshukiri le malwetse a diphio ke ba bangwe ba batho ba ba nang le malwetse a a iphitlhileng ba ba tlhorontshiwang ke COVID-19.

Go tloga ka la bo 25 Motsheganong, batho ba ba nang le malwetse a a iphitlhileng a a latelang ba bontshitsebanale matshwao a a bogale:

- Bolwetse jwa kgatelelo ya madi a magolo, 58%
- Bolwetse jwa tshukiri, 56%
- Malwetse a diphio, 17%
- Bolwetse jwa Mogare wa Lebolelateng (HIV), 16%
- Bolwetse jwa go hupelana kgotsa malwetse a go sitisa go hema, 15%
- Bolwetse jwa pelo, 11%
- Go nona pheleletsa, 13%
- Bolwetse jwa lehuba (TB), 13%
- Bolwetse jwa kankere, 2%
- Malwetse a mangwe a mantsi a a iphitlhileng, 16%.

Mohammed a re se se mo tshositseng thata ke fa a ne a

hupelana le go feta ka ntlha ya COVID-19.

"Ke ne ke ikutlwka ke lapile mo go maswe, ke gothola le mafatlha a me a hupelane, mme seno se ne se thusiwa ke peipi ya me ya bolwetse jwa go hupelana. Matshwao a me a ne a sa tshwane le a monna wa me yo ene a neng a opelwa ke mmele, a silega, a hupelane mafatlha, a hupela mowa, a thibana diphatlhana tsa nko tsa go hema, a na le sehuba se se humileng mo mafatlheng a gagwe mmogo le go opipa ke tlhogo. Ngwana wa me wa mosimanyana ene o ne a opipa ke tlhogo matsatsi a le mararo, fela o ne a itharabologelwa ka bonako fa matshwao a gagwe a okobala," o tlhalositse jalo.

Ba lelapa la ga Mohammed ba ne ba obamela dikgato tsotlhe tsa boitekanelo tse di ka ga go itisa kwa gae le kwa tirong, go efoga go tshwaetswa ke mogare ono. "Ba lelapa la me ba ne ba tlhaloganya, ba na le tlhokomelo e bile ba re tlhokometse, ba ne ba re tlisetsa dijotsa dilalelo bosigo jo bongwe le jo bongwe, fela baagisani ba rona ka dinako dingwe ba ne ba sa kgathale mme e bile kutlobothoko e e tlhodiwang ke mafaratlhila a ditlhaeletsano ke e e boitshegang tota," ga rialo Mohammed.

Lefapha la Boitekanelo la porofense ya Kapa Bophirima la re fa o phela ka go nwa metsi le go ela tlhoko maemo a tshukiri mo mme-leng wa gago, go tlhokome-la maemo a gago a madi le a go fisa ga mmele ke tsona dikgato tse di botlhokwa thata mo go laoleng COVID-19, bogolosegolo mo balwetseng ba ba nang le malwetse a a iphitlhileng.

Mo godimo ga seno, lefapha le eletsa batho ba ba nang le malwetse a a iphitlhileng:

- Go nwa

melemo ya bona ka tshwanelo, jaaka o laetswe ke modiredi wa tlhomeloa ya boitekanelo.

- Go tlhapa diatla tsa bone ka metsi a sesepa sebaka sa disekono di le 20, pele ba ka kgoma melemo ya bona.
- Go se kgaotse go nwa melemo ya bona ntle fa e le gore ngaka ya bona e ba laetse jalo e bile ba seke ba nwa melemo ya bona le ope.
- Go leka go ikatisa mebele sebaka sa metsotsi e le 30 ka letsatsi.

Lefapha la re batho ba ba nang le bolwetse jwa tshukiri ke bona ba leng mo kotsing thata ya go ka itemogela matsapa a magolo ka ntlha ya COVID-19, fela fa e le gore motho o tlhokometse bolwetse jwa tshukiri sentle kgonagalo ya gore a gatelege ke e e kwa tlase thata.

"Ka kakaretso, batho ba ba nang le bolwetse jwa tshukiri ba na le kgonagalo e ntsi ya gore ba ka itemogela matshwao a a bogale le matsapa a magolo fa ba ka tshwae-tswa ke mogare ono. Kantla ya fa batho ba ba nang le bolwetse jwa tshukiri ba le mo kotsing e e kwa godimo ya go gatelelwa ke COVID-19, go tshwaelwa gore go tswele ka dikgato tsa go katogana fa go kgonaglang.

Go nona pheleletsa le yona ke e nngwe ya dikotsi tse dikgolo mo bathong ba ba gateletseng ke COVID-19.

Fa go kgonaglang batho bano ba eleliwa gore ba fokotse bokete jwa mebele ya bona."

Go alafega

Morago ga go nna kgakala le batho sebaka sa matsatsi a le 14, Mohammed o ne a boela kwa tirong. A re go fola ga mogare ono mo go ene go fetotse ka fao a naganang ka teng le ka fao a bonang boshelo ka teng.

"O simolola go bona sentle botlhokwa jwa balelapa la gago le dilo tse dinnye tse o di itemogelang tsone mo botshelong. Ke batla batho mo mafelong otlhe a tiro go tsaya maikarabelo mo boitekanelong jwa bona le go ruta bamalapa le bana ba bona, bogolosegolo jaanong ka bana ba boetse kwa dikolong.

"Thusa ngwana wa gago goreabatleditselatsedingwe tse dintshwa tsa go bontsha fa a santse a na le lerato mo ditsaleng tsa gagwe, ntle le gore ba atumelane le go kgomana. Dira gore ba lapa la gago ba iphepatse ka go bolaya megare pele ba tsena ka ntlo, a ba apolele ditlhako tsa bona ka fa karatsheng mme ba di sie foo fa go kognega, apola diaparo tsotlhetsi o neng o di apere fa o ne o le mo bathong mme o tsene mo metsing pele o ka dumedisana le ba lelapa la gago mme o ipabalele mo boitekanelong gore o kgone go ba sireletsi, o tlhalositse jalo.

Lefapha le eletsa batho ba ba nang le malwetse a a iphitlhileng go ja dijotsa tse di nang le dikotla, ba ikatise gangwe le gape, ba tlhokomele maemo a bona a kgatelelo ya monagano, ba obamele melao ya ka fao ba tshwanetseng go nwa melemo ya bona ka teng le go latela dikgato tsotlhe tsa go thibela kgonagalo ya go tshwaetsegile.

*Fa e le gore o na le matshwao mangwe le mangwe, a a jaaka go opipa ke tlhogo, go gotlhola kgotsa go hupela mowa, ikgolaganye le mogala wa tshoganyetsa wa COVID-19 mo go 0800 029 999 kgotsa o romele ka WhatsApp lefoko le le reng 'Hi' mo go 0600 123 456.



Insaaf Mohammed, yo gape a nang le bolwetse jwa go hupelana, o paletse COVID-19.

TSHEDIMOSETSO KA GA COVID-19

Puso e ipakanyetsa palo e e tla tlhatlogang ya ditshwaetso tsa COVID-19

DITHULAGANYO TSA GO IPAAKANYETSA KCONAGALO YA

go tlhatloga ga dikgetse tsa COVID-19 tse di soloftsweng mo puso le makala a poraefete ba tshwarisaneng go tlhoma dipetlele tse di leng kgakala le baagi, mo go rekeng didirisiva tsa ipabalelo le go netefatsa gore naga ya Aforika Borwa e itirela didirisiva tsa go thusa go hema.

Allison Cooper

Dikgetse tsa ditshwaetso tsa bolwetswe jwa mogare wa corona (COVID-19) di soloftsweng mo puso le makala a poraefete ba tshwarisaneng go tlhoma dipetlele tse di leng kgakala le baagi, mo go rekeng didirisiva tsa ipabalelo le go netefatsa gore naga ya Aforika Borwa e itirela didirisiva tsa go thusa go hema.

"Re ntse re tsweletse go reka didirisiva tsa ipabalelo (PPE) go tswa kwa dinageng tsa kwa ntle mmogo le go tshegetsa ditlamoa tsa ka fa nageng gore di kgone go ka tlhagisa didirisiva tseno," Moporesidente Cyril Ramaphosa o totobatsa nthla eno.

"Re tsweletse go tokafatsa mafaratlhatlha mo dipetleleng, ra tlhoma dipetlele tsa nakwana le go reka malao a mangwe gape a tla thusang balwetswe ba COVID-19," o tlaleditse jalo.

Fa Seetebosigo a ne a roga, malao a feta 27 000 kwa dipetleleng tsa setshaba a ne a beelwa kwa thoko go leta balwetswe ba COVID-19. Fa e le dipetlele tse di leng kgakala le baagi tsona, fa go setse go konoseditse go di rulaganya, tsona di tla bo di na le malao a le 13 000.



**Mafelo a go katosa
balwetswe le dipetlele tse di
leng kgakala le baagi**

Tona ya Lefapha la Ditiro tsa Puso le Mafaratlhatlha a Setshaba Patricia de Lille o rile:

- Mafelotiriso a le 1 751 a tshawilwe gore a tla dirisiwa jaaka mafelo a go katosa balwetswe, mme ona a na le malao a feta a le 129 600 ka fa nageng mo ditikologong tsotlhe di le 44 le mo diteropokolgong tsotlhe di le robedi.
- Mafelotiriso a le 358 a tshawilwe kwa porofenseng ya Kapa Bophirima mme ona a na le malao a feta a le 27 500.
- Mafelotiriso a le 395 a setse a tlhatlobilwe ke ba Lefapha la Boitekanelo mme ona a na le malao a le 35 759.
- Dipetlele di le 32 kwa porofenseng ya Kapa Botlhaba, di petlele di le 19 kwa porofenseng ya KwaZulu-Natal

mmogo le dipetlele di le 10 kwa porofenseng ya Mpumalanga tsotlhe di nopenswe-gore di ntshwafadi le go baakanyediwa go dira jaaka dipetlele tse di leng kgakala le baagi.

Cape Town International Convention Centre (CTICC), e ga jaanong e dirisiwang jaaka sepetele se se leng kgakala le baagi se segolo go gaisa mo nageng ya rona se na le malao a le 862. Se amogetse balwetswe ba sona ba nthla ba le 10 mo letsatsing la bo 8 Seetebosigo 2020.

Kwa porofenseng ya Bokone Bophirima, dithophya di semeletse ka go oketsa bogolo jwa dipetlele tse na ngwe tsona ka go aga dikarolo dingwe mo dipetleleng tse.

Maemo a ipaakanyetsa a porofense ya Gauteng

Tona ya Gauteng David Makhura o rile porofense eno:

- E na le malao a dipetlele a le 8 301,
- E lokolotse balwetswe ba ba sang mo maemong a a diphatsa kwa dipetleleng tse dingwe gore ba alafiwa ba le kwa malapeng a bona mme dikarolo tsa maokelo ao tsa fetolelwaa go dirisediwa jaaka dikarolo tsa COVID-19, mme kgato eno e dirile gore re nne le malao a le 555 a dioto tse di amo-

gelang balwetswe mmogo le malao a mangwe a le 308 kwa diotong tsa balwetswe ba lwelang tsotlhe le badimo, e tlhomile dioto tse dintshwa tse di tla dirisiwa mo

mafelotirisong a kwa porofenseng ya Kapa Bophirima.

Didirisiva tsa ipabalelo tse di dirisiwang ke batlhanked ba boitekanelo

E nngwe ya ditiro tsa Letlolo la

sa Kopanong, sa Jubilee, sa Chris Hani Baragwanath le sa George Mukhari mme seno se okeditsi palo ya malao ka malao a le 800, mme ya netefatsa gore lefelotiriso la kwa Nasrec le na le malao a mangwe a mantshwa a le 500.

Ka kgwedi ya Motsheganong, Makhura o amogetse dithuso go tswa kwa setlamong sa BMW le sa Nissan go thusa ka go aga sepetele se se leng kgakala le baagi kwa Rosslyn, Tshwane.

Dipetlele tse di leng kgakala le baagi tsa porofense ya Kapa Botlhaba

Kwa porofenseng ya Kapa Botlhaba, sepetele se se leng kgakala le baagi se se nang le malao a le 1 000 se tlhomilwe kwa Lebaleng la Metshameko la Nelson Mandela Bay.

Mabala a mangwe a metshameko le one a dirisiwa jaaka mafelo a go katosa bao ba nang le mogare mmogo le go dirisiwa jaaka dipetlele tse di leng kgakala le baagi, ona a tsenyeletsa Lebalala la Metshameko la Cape Town le Lebalala la Metshameko la FNB.

Puso ya naga ya Jeremane mmogo

le setlamoo sa Volkswagen ba soloeditse R107 milione e tla dirisediwang go aga sepetele se se leng kgakala le baagi kwa Port Elizabeth.

Fa go setse go konoseditswe ka dithulaganyo tseno, sepetele seno se tla kgona go amogela malao a le 4 000.

Didirisiva tsa go thusa go hema

Aforika Borwa, ka thuso ya dipuso tse di farologaneng, ditlamoa tse di farologaneng le mekgatilo e e farologaneng, e kgonne go bokeletsa di-PPE tse dintsi, melemo e mengwe le didirisiva tse dingwe tsa go thusa go hema.

Didirisiva tsa go thusa go hema tsa kalafo ke motshini o thusang matshwafo go hema. Di dirisiwa go thusa balwetswe ba retelelwang ke go hema. Balwetswe ba tshwerweng ke bolwetswe jwa mogare wa COVID-19 ba retelelwaa ke go hema.

**"Re tsweletse go tokafatsa
mafaratlhatlha mo
dipetleleng, ra tlhoma
dipetlele tsa nakwana le
go reka malao a mangwe
gape a a tla thusang
balwetswe ba COVID-19."**

Puso ka kgwedi ya Moranang e ne ya thankgolola Porojeke ya Naga ya Didirisiva tsa go Thusa go Hema, gore go betlive metshini e mengwe gape a mentis ka nthla ya fa e ne e tlhaela mo lefatseng ka bophara.

Go soloftsweng gore didirisiva tse di phasisweng di tla simolola go tlhagisiva ka kgwedi ya Seetebosigo mme puso e soloftse gore go tla tlhagisiva didirisiva tse dingwe tsa go thusa go hema di ka nna 20 000 mo dikgwedding tse di tlhang.

Letlolo la Tshwaraganelo le soloeditse matlolo a go tla rekwang ka ona didirisiva tsa go thusa go hema


di le 200, tse di neelwang dipetlele go ya ka ditlhoko tsa tsona.

Amerika e thusete naga ya Aforika Borwa ka didirisiva tsa go thusa go hema di le 1 000, mme di le 20 tsa tsona di amogetse ke Tona ya Boitekanelo Zweli Mkhize ka Seetebosigo 2020.

Di ne tsa gokelolwa kwa Sepeteleng sa Dithuto tsa Bongaka sa Chris Hani Baragwanath kwa Soweto. Dithuso tse di latelang di tla dirisiwa mo mafelotirisong a kwa porofenseng ya Kapa Bophirima.

Didirisiva tsa ipabalelo tse di dirisiwang ke batlhanked ba boitekanelo

E nngwe ya ditiro tsa Letlolo la



Tshwaraganelo tse di kwa setlhong ke go tlamaela badiredi ba ditiro tsa boitekanelo ka di-PPE ba jaaka dingaka le baiki. Letlolo leno, le le kgonneng go bokeletsa R2.61 bilione go fitla mo motsing wa gompieno, le kgonne go reka di-PPE tse di ka kgonang go thusa maokelo a setshaba le badiredi ba boitekanelo ba mo metseng sebaka sa dikgwedi di le pedi.

Ditheo tse di tsentshitseng letsogo ka go thusana ka di-PPE di tsenyeletsa mokgatilo wa Business for South Africa, setlamoo sa Naspers, setlamoo sa First National Bank, mokgatilo wa United Pharmaceutical Distributors, puso ya the People's Republic of China, Mokgatilo wa Lefatshe wa Merero ya Boitekanelo (WHO), setlamoo sa Ford Motor Company mmogo le Letlolo la Tshwaraganelo.

Boikuelo jo bo tobangeng le Badiredi ba tlhokomelo ya boitekanelo

Palo e ntsinyana ya badiredi ba tlhokomelo ya boitekanelo e tla tlhokela go dikgetse tsa ditshwae-tsego tsa COVID-19 di tswelela go tlhatloga mme puso e ikuetsi mo go badiredi ba tlhokomelo ya boitekanelo ba ba sa direng mmogo le dingaka go ikgolaganya le diporofense tse ba mnang mo go tsona.

"Re ikuela mo go badiredi bothle ba tsa boitekanelo, go tsenyeletsa le bao ba rotseng firo, go tlhagisa le go thusa mo tirong eno – le fa tota e le go thusa sebaka se se khutshwanyana fela go tla bo go siame," ga rialo Tona Mkhize.

Puso e rometsese gape le dingaka di le 217 tse di tswang kwa nageng ya Cuba kwa dikarolong tsotlhe tsa naga eno.

